

ՎԱՆ-ՎԱՍՊՈՒՐԱԿԱՆԻ  
1896 թ. ԻՆՔՆԱՊԱՇՏՊԱՆԱԿԱՆ ՄԱՐՏԵՐԸ

Պատմ. գիտ. դոկտոր Ա. Ս. ՀԱՄԲԱՐՅԱՆ

XIX դարի վերջին Վան քաղաքի բնակչությունը կազմում էր շուրջ 40 հազար մարդ, որից 25 հազարը հայեր էին, իսկ 15 հազարը՝ թուրքեր: Հայերն ապրում էին գերազանցապես Այգեստան, իսկ թուրքերը՝ Քաղաքամեջ կոչված թաղամասերում: Վասպուրականի գյուղերում բնակվում էին հայեր ու քրդեր և մասամբ թուրքեր: Մեծամասնությունը հայեր էին:

Արևմտահայության համընդհանուր կոտորածները իրականացնող սուլթան Աբդուլ Համիդը 1896 թ. հունվարին Վան է ուղարկում իր թիկնապահներից մեկին՝ Սաադեդդին (Սաատետտին, Սախիդ-էզդին) փաշային, հանձնարարելով նրան իրագործել Վան-Վասպուրականի հայության ջարդը:

Փաշան նախ փորձում է առիթ ստեղծել հայկական ջարդերի իրագործման համար: Իշխանության ներկայացուցիչները հունիսի 2-ին խուզարկում են նշանավոր հայդուկ (Ֆիդայի) Տիգրան Տերոյանի (Վազգենի) տունը և իբր թե վտանգավոր թղթեր գտնելու պատճառով ձերբակալում են նրա քրոջը՝ վարժուհի Զարուհի Տերոյանին: Բայց մեծ ոճրագործության համար դա բավական չէր: Հունիսի 3-ի վաղ առավոտյան քաղաքի շրջակայքում հայտնաբերվում են թուրք հիսնապետի ու զինվորի դիակները: Լուր են տարածում, թե նրանց սպանել են հայ հեղափոխականները: Սաադեդդին փաշայի կարգադրությամբ հիսնապետի դիակը ցուցադրվում է քաղաքում, մոլլաները հոռու են անում՝ «Կոտորել գլխավորներին»: Գնդապետ Հաշիմ էֆենդին հունիսի 3-ի երկրորդ կեսին, մոտենալով հայոց թաղին, հրամայում է զինվորներին կրակ բացել հայոց թաղի վրա: Սկսվում է ջարդը<sup>1</sup>: Դահիճները սպանում են հայերին կացիններով, տապարներով, քարերով, սպանում են ամեն պատահածի, առանց տարիքի ու սեռի խտրության: Հունիսի 3-ին միայն մի քանի ժամվա ընթացքում զոհվեց 800 մարդ<sup>2</sup>: Կոտորածներն սկսվեցին այն թաղերից, ուր հայերն ու թուրքերը խառն էին բնակվում, բայց շուտով տարածվեցին ամբողջ Այգեստանում:

Հունիսի 4-ին ջարդերը ծավալվեցին նոր ուժով: Եվ այդ օրվանից էլ հայերը դիմեցին ինքնապաշտպանության: Շարժման դյուխ կանգնեցին ազգային կուսակցությունների՝ արմենականների, դաշնակցականների ու հընչակյանների ղեկավարները: Նրանց միավորեց Վան-Վասպուրականի հայությանը սպառնալից ահապոր վտանգը:

Նույն օրը Մկրտիչ Ավետիսյանի տանը տեղի ունեցավ խորհրդակցություն, որին մասնակցեցին Մ. Ավետիսյանը, Պետոն ու Մարտիկը իրենց դինակիցներով: Ընդունվեցին որոշումներ, մշակվեց ինքնապաշտպանության կոնկրետ պլան: Ավետիսյանի տունը դարձավ զինվորական կենտրոն և ռազմամթերքի պահեստ<sup>3</sup>:

Ֆիդայիները վառվում էին թշնամու դեմ պայքարելու բուռն ցանկությունամբ, ստոգորված էին իրենց հայրենիքի ու ժողովրդի պաշտպանության և

1 Տե՛ս «Արարատ», 1896, օգոստոս, էջ 382:

2 Տե՛ս նույն տեղում:

3 Տե՛ս «Երիտասարդ Հայաստան» շաբաթաթերթ, 1905, էջ 19:

ազատության վեճ դադարեցրելով: Նրանք զինված էին հրացաններով, որոնք ձեռք էին բերել հիմնականում Ռուսաստանից և Պարսկաստանից: Հայ հայրենասերները նաև մարզված էին, գիտեին դիպուկ կրակել, քաջապես ծանոթ էին Վանի թաղերին, փողոցներին ու տներին: Ֆրդայիները գիտեին նաև, որ իրենց մեջքին կանգնած է հարազատ ժողովուրդը:

Անօրինակ սխրագործություն և հայրենասիրություն ցուցաբերեցին վանեցի կանայք: Եղան մայրեր, որոնք իրենց ձեռքերով զենքեր էին կապում որդիների մեջքերին և օրհնելով ուղարկում հակառակորդի դեմ<sup>4</sup>:

Ջարդարարները, անցնելով նոր հարձակման, ձգտեցին ներխուժել Վանի հայաբնակ թաղերը: «Սակայն այս անգամ,— գրում էր ակաճատեսը,— նոքա հանդիպեցան հայերի կողմից սաստիկ ընդդիմություն: Վերջինները, ամրանալով յուրյանց տների մեջ, կրակ բացին և թույլ չտվին թշնամուն առաջ գալ»<sup>5</sup>: Ինքնապաշտպանները մարտնչում էին մեծ համատությունով ու անձնագոհությամբ: Առանձին անհատներ դրսևորում էին անձնագոհության վառ օրինակներ: Հերոսաբար կռվեցին, օրինակ, Արշակ Չթչյանն ու իր եղբայրը, Քոչարը, Տիգրանը, Տրդատը: Մուշեղն իր խմբով հարձակվում է հայերին թալանած թուրքերի վրա և սպանելով ու փախուստի մատնելով նրանց, ավարը ետ է բերում<sup>6</sup>: Հունիսի 4-ին հայերը տվեցին մեկ, իսկ թըշնամին՝ 20—30 սպանված<sup>7</sup>:

Հունիսի 5-ին քաղաքի խուժանին միանում են թուրքական զորաջոկատները, ոստիկաններն ու մի շարք քուրդ ցեղապետեր: Ակտիվ է գործում հատկապես ցեղապետ Շաքիր աղան, սակայն հայերը նրան պատշաճ հակահարված են հասցնում, սպանելով 8—10 հրոսակների: Շաքիր աղան լրացուցիչ ուժեր է բերում և կառավարական զինվորների հետ միասին անցնում է նոր հարձակման: Կռիվն ընդունում է կատաղի բնույթ: Հալերը զարմանալի քաջությունով մարտնչում են իրենցից անհամեմատ ավելի թշնամիների դեմ: Ժամանակակիցը գրել է. «Կռիվը բավական կերկարի, հայերը չկարողանալով համբերել դիրքերում, դուրս կուգան ազատ դաշտ և... արտի պատերը պատնեշի տեղ ծառայեցնելով, կռիվը կշարունակեն, միշտ իրենք անվնաս, իսկ թշնամուն մահու զնդակներ ուղարկելով»<sup>8</sup>: Թշնամին զգալի կորուստներ էր կրում:

Կռիվները շարունակվում են նաև հունիսի 6-ին: Թշնամու թիվը գնալով աճում է: Սակայն հայերը դրանցից չեն ահաբեկվում, նրանք պայքարը շարունակում են նոր թափով: Կատարվում են սխրագործություններ: Շահ փողոցում հայերը տեսնում են, որ մի ճերմակագլուխ մուլլա իր ետևից քար է տալիս հայ օրիորդին, որը ճիգ ու ջանք է թափում, բայց չի կարողանում ազատվել նրա ճիրաններից: Մի երիտասարդ՝ զեյթունցի Հաջի անունով, առանց յուր կորցնելու, համբուրվում է ընկերների հետ և մնաք բարով ասելով նրանց, հրացանը ձեռքին վազում է փողոց, անվնաս անցնում է թըշնամու գնդակների տարափից, դաշույնը խրում է մուլլայի սիրտը, ազատում է աղջկան և նրա հետ միասին վերադառնում իր դիրքերը: Ականատեսը գրում էր, որ այդ երիտասարդը վերադարձին, մինչև դիրք հասնելը, ստիպված է լինում փողոցում կես ժամից ավելի կռվել խուժանի դեմ՝ սպանելով իր վրա հարձակվողներին<sup>9</sup>:

Հարկ է նկատել, որ նշված կռիվների ժամանակ բացահայտ խարդախություն է ցուցաբերել անզիական հյուսիսատուս Վիլյամսը, որը, ղեկավարվե-

4 «Հայրենիք» շաբաթաթերթ, 1906, հոկտեմբերի 13, № 41:

5 «Արարատ», 1896, օգոստոս, էջ 382:

6 «Երիտասարդ Հայաստան» շաբաթաթերթ, 1905, էջ 20:

7 ՏՆՍ «Արաբս», 1897, գիրք Բ, էջ 113:

8 Նույն տեղում, էջ 113:

9 Նույն տեղում, էջ 118:

լով իր պետության թուրքամետ քաղաքականությունը, ձգտել է ճնշել վանե-  
ցիներին դիմադրությունը:

Հունիսի 7-ին նա հրավիրում է խորհրդակցություն, որին մասնակցում են Վանի հայոց առաջնորդ վարդապետ Բագրևանդյանը, կուսակալ Նազրմ բեյը, պարսկական ու ռուսական հյուպատոսությունների ներկայացուցիչները, ամերիկյան միսիոներ Ռեյնոլդսը, հայերից՝ Մ. Ավետիսյանը, Պետոն ու Մարտիկն իրենց 40 թիկնապահներով: Վիլյամսը հայտարարում է, թե Սաադեղդին փաշան առաջարկում է, որ ապստամբ հեղափոխականները հանձնվեն, հակառակ դեպքում թնդանոթներով կավերի նրանց դիրքերը: Ավետիսյանը պատասխանում է, որ իրենք ապստամբներ չեն, այլ ինքնապաշտպաններ<sup>10</sup>, Փորձեր են արվում խաբելու հայերին: Հասկանալով այդ, նրանք չեն համաձայնում անդիակական հյուպատոսի առաջարկին՝ դենքը վայր դնել և հանձնվել թշնամուն: Հայերի ղեկավարները, արտահայտելով ինքնապաշտպանների կամքը, հայտարարում են. «Կամ դենք ինքնապաշտպանության սուրբ կոփվր մինչև վերջին շունչը, կամ ես ինք սուր ի ձեռին և նախատինք կհամարենք վատությունը իջեցնել մեր դրոշակը»<sup>11</sup>:

Հունիսի 8-ին որոտացին կառավարության թնդանոթները, ավերելով հայոց թաղերն ու տները: Դրանում թուրքերին լրջորեն օգնեց անգլիական հյուպատոսը: Հ. Երամյանը նշում է, որ նա, ունենալով թնդանոթաձիգ կրթություն, ծայտայլ շրջել էր հայկական դիրքերը, ճանաչել նրանց դասավորությունը և խորհուրդ էր տվել թուրքերին, թե ինչպես պետք է ումբակոծել, որ հայերը կոտորվեն<sup>12</sup>: Հայերը ցուցաբերում են հերոսական դիմադրություն: Նրանք ետ են շարտում թշնամուն: Հակառակորդը ստիպված է լինում թողնել թնդանոթները փողոցներում ու հավաքելով իր զոհերը, փախչել<sup>13</sup>:

Սաադեղդին փաշան ավելի է գազազում: Նա հրամայում է բերդից այդպեսուհի բերել գերմանական «Կրուպ» մակնիշի կատարելագործված թնդանոթներ<sup>14</sup>: Կոփվր դառնում է սովելի կատաղի: Ինքնապաշտպանները հոգնած էին ու սոված, բայց մարտնշում էին խիզախորեն: Թշնամին կորցնում է ավելի քան 200 մարդ: Սակայն ինքնապաշտպանների վիճակը զնալով ծանրանում է, ջարդարարները մարտի են նետում նորանոր ուժեր, հասցնելով իրենց հրոսակների թիվը մինչև 15 հազարի<sup>15</sup>:

Ավետիսյանը և նրա զինակիցները զոհում են, որ այլևս անհնար է դիմադրել ժամ առ ժամ համարվող հակառակորդին: Ուստի որոշում են դուրս գալ քաղաքից, հույս ունենալով, որ թշնամին թերևս դադարեցնի իր հայաջինջ գործողությունները: Հունիսի 8-ի լույս 9-ի գիշերը նրանք վերցնում են շուրջ 1500 զինված ու անզեն մարդ և բարձրանում Վարազա լեռը<sup>16</sup>: Հայդուկները հղոր թշնամուն գիմադրեցին հինգ օր: Դա քիչ չէր: Անգլիական հյուպատոսն ասել էր. «Ըստ չէի կարծեր, որ հայերն այդչափ կազմակերպված լինեին»<sup>17</sup>:

Հեղափոխականների ալդ պայքարը մեծ նշանակություն ունեցավ Վան-Վասպուրականի հայության համար: Խնդիրը միայն այն չէ, որ եթե նրանք չդիմադրեին, ինչպես նշում էր ժամանակակիցներից մեկը, ավելի շատ կկո-

10 Տե՛ս «Երիտասարդ Հայաստան» շաբաթաթերթ, 1905, էջ 45:

11 «Հայրենիք» շաբաթաթերթ, 1906, օգոստոսի 25, № 34:

12 Տե՛ս Հ ա մ բ ր ձ ու մ եր ա մ յ ա ն. Հուլիսի 1905 Վան Վասպուրականի, հ. Ա, Աղերսանդրիա, 1929, էջ 363: Ա Ր Ս Ե Ն Ա. Կ ե ո Ր Կ ի Վ յ ա ն. Վասպուրականի հերոսամարտը 1915, 7 ապրիլ—1915 մայիսի 7, Պևրուս, 1965, էջ 28—29:

13 Տե՛ս «Արարատ», գիրք Բ, 1897, էջ 119:

14 Տե՛ս նույն տեղում, էջ 120:

15 Տե՛ս «Արարատ», 1896, նոյեմբեր, էջ 528:

16 նույն տեղում, օգոստոս, էջ 383:

17 «Հայրենիք» շաբաթաթերթ, 1906, հուլիսի 28, № 30:



տորվելին<sup>18</sup>, այլ նաև այն, որ նրանք հնարավորություն տվեցին քաղաքի հայերին մտնելու անգլիական, ռուսական պարսկական հյուպատոսարաններ, կաթոլիկ ու բողոքական միսիոներների շենքերն ու նրանց մերձակա տները՝ պատսպարվելու և փրկվելու:

Իշխանությունները չհետապնդեցին Վանից հեռացող հեղափոխականներին, այլ նետվեցին քաղաքում մնացած անգեն ու անպաշտպան հայերի վրա և շարունակեցին սպանել ու թալանել նրանց: Դա մի անգամ ևս ապացուցում է, որ կառավարությունը հալածում էր ոչ այնքան հեղափոխականներին, որքան նրանց որսալու պատրվակով իրագործում էր հայ խաղաղ բնակչության ջարդեր:

Հունիսի 9-ին Սաադեղդին փաշան Վանի երևելիներին առաջարկում է մի աղերսագիր ներկայացնել, որի մեջ գրված լինի, թե քաղաքում ու նրա շրջակայքում տեղի ունեցած «անկարգությունները» կատարվել են դրսից եկած հայ հեղափոխականների մեղքով, թե նրա տակ ստորագրողները ներողություն են խնդրում սուլթանից և աղաչում են նրան նահանգում խաղաղություն ու հանգստություն վերահաստատել: Հատկանշական է, որ այդ խնդրագրի տեքստը պատրաստում էր անգլիական հյուպատոս Վիլյամսը: Սաադեղդին փաշան առաջին ու երկրորդ տեքստերը չի հավանում, երրորդը մի կերպ ընդունում է և ուղարկում մայրաքաղաք: Խնդրագրի մեջ հայ երեվելիները հատուկ շնորհակալություն են հայտնում Սաադեղդին փաշային՝ իբր թե հայերի հանդեպ ցուցաբերած հոգատարության համար: Հունիսի 10-ի երեկոյան մայրաքաղաքից հայտնում են, որ սուլթանը ընդունել է Վանի հայության խնդրանքը և շուտով կբավարարի այն<sup>19</sup>:

Չնայած դրան Սաադեղդին փաշան հայերի հանդեպ բռնությունները շարունակում է հունիսի և՛ 9-ին, և՛ 10-ին: Նա պահանջում է խուզարկել հյուպատոսարանները, կաթոլիկ ու բողոքական միսիոներական հաստատությունները, հայտարարելով, թե այդ տեղերում անգեն մարդկանց հետ միասին թաքնված են զինված երիտասարդներ: Անգլիական հյուպատոսը կատարում է նրա կարգադրությունը, առաջարկելով իր պաշտպանության տակ մտած 15—60 տարեկան բոլոր տղամարդկանց հեռանալ հյուպատոսարանից: Ականատեսը հաղորդում էր. «Գրիչը կարող չէ նկարագրել այն սոսկալի արհավիրքը, լաց ու կոծք, ողբն ու աղաղակը, որ կտիրե ժողովրդի մեջ: Կանայք ու տղաները կկոծեն ու կողբան, կարծելով, որ իրենց ամուսիններն ու հայրերը դուրս կհանվեն խուժանի կատաղությանը ենթարկելու համար, շատերը մինչև իսկ վերջին հրածեղտը կտան իրենց ընտանյալը»<sup>20</sup>:

Սաադեղդին փաշայի հրամանը կատարում է նաև ԱՄՆ-ի միսիոներների ղեկավար Ռեյնոլդսը: Նա գործում էր բրիտանական հյուպատոսի հետ համատեղ: Շրջելով իր հաստատություններում պատսպարված հայերի մեջ, հայտարարում էր, որ եթե կան հեղափոխականներ, որոնք պատճառ են դրոձել այս արյունահեղություններին, ցույց տվեք, կամ դուրս արեք, «ապա թե ոչ ձեզ բոլորիդ կկոտորեն...»<sup>21</sup>:

Ինչպես անգլիական հյուպատոսարանում, այնպես էլ Ռեյնոլդսի հաստատություններում պատսպարվածները փողոց են նետվում, նրանցից մի մասը սրի է քաշվում, մյուսը՝ թաքնվում է լեռներում ու ձորերում, երրորդը գնում է միանալու այն խմբերին, որոնք բռնել էին Պարսկաստանի ճամփան: Վանի ռուսական փոխհյուպատոս Վ. Տ. Մաևսկին հունիսի 1—16-ը գտնվում էր Թիֆլիսում: Նրա պարտականություններն այդ օրերին կատարում էր հյուպատոսության թարգմանիչ Կարապետ Չիլինդարյանը: Երբ Սաադեղդինը նրան առաջարկեց տեղափոխվել բերդ, Չիլինդարյանը համարձակո-

18 Տե՛ս «Արարատ», 1896, հուլիս, էջ 383:

19 Նույն տեղում, օգոստոս, էջ 383:

20 «Արաքս», գիրք Բ, 1897, էջ 122:

21 «Երիտասարդ Հայաստան» շաբաթաթերթ, 1905, էջ 109:

րեն պատասխանեց. «Ես կապրիմ իմ կառավարութեան դրոշակի տակ և թե կարելի եղածին շափ պիտի ջանամ նույն դրոշակի հովանու տակ հովանավորել անդեն ժողովրդին»<sup>22</sup>: Նա շկատարեց նաև փաշայի հրամանը իր հյուպատոսութիւնում պատասպարված հայ տղամարդկանց մեջ ստուգում անցկացնելու և հիշատակված տարիքի անձանց վտարելու մասին: Չիլինգարյանն այդպիսով հազարների փրկեց անվերապահ կործանումից<sup>23</sup>:

Սաաղեղդին փաշան կարողորդում է խուզարկել Քաղաքամիջի հայերի տները, խրախուսում է շարունակել հայերի ունեցվածքի կողոպուտն ու թալանը: Եվ դինվորները, ոստիկանները, խուժանը, որոնց շարքերում նաև Վանի բողանները, հունիսի 9-ին ու 10-ին ևս շարունակում են վայրագութիւնները: Նրանք մտնում են իրենց զոհերի տները և հափշտակում ինչ կարողանում են: Միայն Այգեստանում նրանք խլեցին հայերից մեկ միլիոն օսմանյան ոսկու կարողութիւն: Չբավարարվելով այդ ամենով, Սաաղեղդին փաշան հրամայում է հրկիզել հայերի տները: Նրա հրամանը կատարվում է: Հրդեհը այնպիսի մեծ ուժով է ծավալվում, որ ականատեսի խոսքով ասած, հրկիզված շինութիւնների ծխից Արեգակի լույսն աղոտանում է, իսկ գիշերները փողոցներն ու թաղամասերը լուսավորվում են մինչև երկինք բարձրացող բոցերից<sup>24</sup>: Հայկական թաղերն ու տները մոխրակույտի են վերածվում<sup>25</sup>:

Սուլթանական կառավարութեան կարողորդութեամբ Վանից հետո (իսկ որոշ տեղերում նաև միաժամանակ) հայերի կոտորածներ են իրագործվում Վասպուրականի գյուղերում: Կոտորածները սոսկալի եղան հատկապես Արճեշի, Հայոց Ձորի, Գավաշի, Կարճկանի և այլ գավառների գյուղերում<sup>26</sup>:

Ա—ԴՕի (Հովհաննես Տեր-Մարտիրոսյան) վկայութեամբ Քյոո Ղուսեին փաշայի «ձեռքով կողոպուտեց և ավերվեց ամբողջ Ալշավազը, բարբարոս կերպով սպանվեցին բազմաթիվ հայեր... հրդեհվեցին գյուղեր և տներ...»<sup>27</sup>: Ղուսեյին փաշային իր ոճրագործութիւններով գերազանցեց նրա հորեղբոր որդին՝ էմին փաշան: Նա սրի քաշեց Արճեշի բոլոր գյուղերը: Ա—ԴՕն գրում է. «Մարդկանց ու կանանց շարքով կանգնեցնում էին և նշան առնելով, նրանց մեկ-մեկ գնդակահարում, ապա գնդակներին խնայելով, սկսեցին կոտորել նրանց սրերով և բուժ գործիքներով: Գործիկ երեսաններին ոտներից բռնելով և օդի մեջ ձոճելով ձեփում էին պատերին և սպանում, կանանց և օրիորդներին բռնաբարում էին ծնողների ու ամուսինների ներկայութեամբ, իսկ այս բոլորից հետո կենդանի մնացած մի քանի պառավ կանանց և երեսանների սպանում են ամենավայրագ ձևով»<sup>28</sup>:

Միայն Մոկսի մյուզիքի Մարթուլա բեյն էր, որ ցուցաբերեց բոլորովին այլ վարքագիծ: Նա ոչ միայն չկոտորեց իր իշխանութեան տակ գտնվող հայ գյուղացիներին, այլև սովյալներին կերակրելու համար նվիրեց 250—300 թուրքական լիրա<sup>29</sup>: Թուրք շարդարարները ավերեցին հայոց վանքերը, եկեղեցիները, դպրոցները: Սպանեցին Վարագա միաբան Արիստակես Տեկանցին,

22 «Արաբս», 1897, գիրք Բ, էջ 124:

23 Տե՛ս «Արձաղանք», 1897, հունվարի 1:

24 «Արարատ», 1896, նոյեմբեր, էջ 528:

25 «Արաբս», 1898, գիրք Ա, էջ 114:

26 Տե՛ս В. Т. Маевский. Ванский вилайет, военно-статистическое описание. Тифлис, 1901, с. 180.

27 Ա—ԴՕ, Վանի, Բիթլիսի և էրզրումի վիլայեթները. Երևան, 1912, էջ 358:

28 Նույն տեղում, էջ 360:

29 Տե՛ս Հայերի ցեղասպանութիւնը Օսմանյան կայսրութիւնում, փաստաթղթերի ու նյութերի ժողովածու, Մ. Գ. Ներսիսյանի խմբագրութեամբ. Երևան, 1991, էջ 155: Տե՛ս նաև Հ. Երամյան. Նշվ. աշխ., էջ 374:

Հարուժյուն վարդապետին, վանահայր Դանիել վարդապետին և շատ այլ հոգևորականների: Ոմանց նույնիսկ ողջակիզեցին<sup>30</sup>:

Վասպուրականի մի քանի վայրերում գյուղացիները դիմագրավեցին բարբարոսներին: Աչքի ընկավ հատկապես Շատախը: «Քաջ շատախցիները, — գրել է Հ. Երամյանը, — իրենց ավանդական համբավն արդարացուցին գորեղ դիմադրություն մը կազմակերպելով ամենուր հարձակվող թուրքերու և թուրք վիճակներու դեմ»<sup>31</sup>: Ջարդարարներին դիմադրեցին նաև Արձնշի Աստաֆ, Բանոն և Հայոց Չորի Հնդստան գյուղերը<sup>32</sup>:

Ի՞նչ եզան Վանից դուրս եկած և Վարագա սարը բարձրացած հայ հայդուկները. կար երկու ելք. կամ անցնել Շատախ ու Գյավաշ և լեռներում շարունակել կռիվը թշնամիների դեմ կամ գնալ Պարսկաստան և այնտեղ որոշել ապագա անելիքները<sup>33</sup>: Նկատի ունենալով այն, որ ռազմամթերքը քիչ է, նրանք որոշում են մեկնել Պարսկաստան: Ավետիսյանն իր 300 զինվածներին միացնելով 300 անզեններ, բաժանում է նրանց հիսուսյակներին ու հարյուրականներին և հունիսի 10-ին Խոշաբ-Բաշկալա գծով ճանապարհ է ընկնում դեպի Պարսկաստան<sup>34</sup>:

Սաադեդդին փաշան հեռագրում է Խոշաբի, Բաշկալի, Սարայի և այլ գավառների պետերին ու քրդական ցեղապետերին՝ «անպայման կոտորել հայ ֆետայիներին՝ ինչ գնով որ կարելի էր»<sup>35</sup>: Եվ նրա գործակալները հետապնդում են հեղափոխականներին:

Շուտով Ավետիսյանն իր խմբով մտնում է հայկական Հնդստան գյուղը, ուր ապրում էին նաև մի քանի բուրդ ընտանիքներ: Սրանք աղաչում են խնայել իրենց: Ավետիսյանը ոչ միայն չի սպանում, այլև բարեկամություն է առաջարկում, դրելով նրանց բեգին, թե ինքը գոհ է, որ նա չի կոտորել հայերին, որ շատ լավ կլինեք, եթե մյուս քուրդ բեգերն էլ այդպես վարվեին: Այն ժամանակ հայերն ու քրդերը միավորվելով «իրենց դարավոր թշնամի օսմանցիների դեմ, շուտով պիտի կարողանային իրենց ստրկությունը շղթան փշրել»:

Հունիսի 13-ին Ավետիսյանի խումբը Գյուղել-Դարա Չորում բախվում է թշնամիների հետ և տանում փայլուն հաղթանակ: Անզենների մի մասը, շուրջ 125 հոգի, թողնում են Ավետիսյանի խումբը և վերադառնում Վան<sup>36</sup>: Հունիսի 14-ին հայդուկները Չուխից իջնելով Աղբակի դաշտ, Բարդուղիմեոս Առաքյալ վանքի շրջակայքում պաշարվում են թուրքական ու քրդական մեծաթիվ ուժերի կողմից<sup>37</sup>: Ավետիսյանը կարգադրում է պատռել օղակումը և դուրս գալ ծուղակից: Մարտիկները չեն կարողանում կատարել դա: Վերջանում են փամփոշտները: Հայդուկները ջարդում են իրենց հրացանները, որ դրանք չընկնեն թշնամու ձեռքը: Նրանք դյուցազնական կռիվը շարունակում են ատրճանակներով ու սրերով, դաշույններով ու դանակներով: Սակայն գոհվում են համարյա բոլորը, այդ թվում և Մ. Ավետիսյանը: Ձոհվում են 340 մարդ: Այդ նույն ժամանակ թշնամին հողին է հանձնում իր մեռելներին, որոնց թիվը քիչ չէր՝ 1700 մարդ<sup>38</sup>: Հայդուկները գիտեին արյունը հատուցել արյունով:

Մեր ձեռքի տակ եղած նյութերը տարբեր տեղեկություններ են տալիս այն մասին, թե որքան մարդ ողջ մնաց Ավետիսյանի խմբից: 1896 թ. «Արա-

30 Տե՛ս «Արարատ», 1896, դեկտեմբեր, էջ 585:

31 Հ. Երամյան, նշվ. աշխ., էջ 375:

32 Տե՛ս Братская помощь пострадавшим в Турции армянам. М., 1898, с. 130.

33 «Հայրենիք» շաբաթաթերթ, 1906, նոյեմբերի 24, № 47:

34 Տե՛ս «Երիտասարդ Հայաստան», 1905, սեպտեմբերի 20, էջ 140:

35 «Հայրենիք» շաբաթաթերթ, 1907, մարտի 22, № 9:

36 Տե՛ս «Պայքար» օրաթերթ, 1957, հունիսի 13:

37 Տե՛ս «Դրոշակ», 1896, օգոստոսի 15, № 19, էջ 139:

38 Տե՛ս «Պայքար» օրաթերթ, 1957, հունիսի 15:



րատը» նշում էր, թե 6 հոգի, որոնք ձերբակալվեցին ու բանտարկվեցին սկզբում Բաշկալեում, հետո անդափոխվեցին Վանա կենտրոնական բանտ<sup>39</sup>: Նույն թվականին «Դրոշակը» հաղորդում էր, որ Ավետիսյանի զինակիցներից փրկվեցին հազիվ 30 հոգի<sup>40</sup>, Ծուրջ 10 տարի անց այդ թիվն էր ցույց տալիս նաև «Նրիտասարդ Հայաստանը», գրելով, թե նրանք մազապուրծ հասնում են Սալմաստ<sup>41</sup>, 1957 թ. Մուշեղ Բազեյանը հուշագրում է, որ Ավետիսյանի խմբից ազատվում են 25—30 հոգի, որոնք մի կերպ անցան Պարսկաստան, իսկ ինքն ու 19 զինված և 22 անզեններ հազիվ կարողացան վերադառնալ Վարազա վանք<sup>42</sup>:

Ավետիսյանի խումբն ամենաբազմամարդն էր: Պետոյի ու Մարտիկի խմբերն անհամեմատ փոքրաթիվ էին: Վանից Վարագ բարձրանալուց հետո Ավետիսյանի խումբը, ինչպես ասվեց, շարժվում է դեպի Պարսկաստան, իսկ Պետոյի ու Մարտիկի խմբերը առժամանակ մնում են Վարազա սարում: «Արարատի» թղթակիցը նրանց բաժանման պատճառը վեճն է համարում, բայց չի նշում, թե ինչ վեճ է եղել դա: Սակայն Կիտուրն այդ վեճի պատճառը համարում է այն, որ «Մարտիկն ու Պետոն դեմ էին անզենների ընկերակցությանը, իսկ Ավետիսյանը կողմնակից էր»<sup>43</sup>. «Արարատի» թղթակիցը այնուհետև վկայում է, որ Պետոյի ու Մարտիկի խմբերը փոքր ուշ նույնպես ուղղություն են վերցնում դեպի Պարսկաստան<sup>44</sup>, Դեպքերին մասնակից Մուշեղ Բազեյանը, որն է բան շասելով հայրուկապետերի միջև առաջացած վեճի մասին, գրում է, որ Պետոյի ու Մարտիկի խմբերը շարժվում են Պարսկաստան Պողաղ-Քեսենով և Պեզի-Տաղի լեռներում (Գարահիսար) պաշարվում են իրենցից 10 անգամ շատ քրդերի կողմից ու զլխովին ջախջախվում: Փրկվում են միայն նրանց ուղեկից 2 ասորիներ<sup>45</sup>: «Արաքսի» թղթակիցն այդ առթիվ գրում էր, որ մեր երիտասարդները 10—12 օր անքուն ու սոված «մղում են դուրսագնական անվեհերություններ իրենց վերջին հուսահատական և օրհասական կռիվը մինչև վերջին շունչը և մեռնում են բոլորն էլ նահատակների սուրբ մահով նվիրված իրենց անձկալի հայրենիքին ու սիրելիներին»<sup>46</sup>:

Կոտորածներից հետո Վասպուրականի բոլոր հայաբնակ վայրերում մոլեղնեց սովը: Միայն Վանում սովվալների թիվը հասավ 30 000-ի<sup>47</sup>: Միաժամանակ ծայր առավ Վասպուրականի հայության արտագաղթը՝ գլխավորապես դեպի Ռուսաստան՝ Անդրկովկաս, բայց նաև Ամերիկա, Պարսկաստան ու այլ երկրներ: Բազմաթիվ գյուղեր ուղղակի դատարկվում էին: Այսպես, Արճեշի գավառի Գանձակ գյուղի 42 տնից դաղթեց 40-ը, Ծայծակ գյուղի 40 տնից՝ 37-ը, Զուզգեհ գյուղի 60 տնից՝ 56-ը, Աղստաֆ գյուղի 130 տնից՝ 110-ը, իսկ «Արմիզոն գյուղի 43 տնից չմնաց և ոչ մեկը»<sup>48</sup>:

Ա.—ԴՕ, 1896 թ. հունիսյան ջարդերից հետո ընկած ժամանակաշրջանը բնութագրում էր «լուռ ժամանակաշրջան», որը տևեց մինչև 1908 թ. երիտթուրքական հեղաշրջումը: Այդ տարիներին ևս մեծ չափերի հասան հողային գրավումները, գույքային հափշտակությունները և այլ կարգի ճնշումները<sup>49</sup>:

39 Տե՛ս «Արարատ», 1896, դեկտեմբեր, էջ 580:

40 Տե՛ս «Դրոշակ», 1896, օգոստոսի 15:

41 Տե՛ս «Նրիտասարդ Հայաստան» շաբաթաթերթ, 1905, էջ 159:

42 Տե՛ս «Պայքար» օրաթերթ, 1957, հունիսի 16:

43 Պատմություն Ա. Գ. Հնչակյան կուսակցության, 1887—1962, հ. Ա, Պեյրուի, 1962, էջ 193:

44 Տե՛ս «Արարատ», 1896, դեկտեմբեր, էջ 579—580:

45 Տե՛ս «Պայքար» օրաթերթ, 1957, հունիսի 16:

46 «Արաքս», 1898, գիրք Ա, էջ 115:

47 «Լուծա», գիրք Ա, 1899, էջ 198—199:

48 Ա.—ԴՕ, նշվ. աշխ., էջ 317:

49 Նույն տեղում, էջ 320:

Այդպիսով, 1896 թ. հունիսյան ջարդը Վան-Վասպուրականում սուլթանական կառավարության կողմից նախապես մշակված՝ արևմտահայերի կոտորածների պետական քաղաքականության դրսևորումներից մեկն էր: Եղեռնագործները իրագործեցին այն իրենց հատուկ վայրագություններով:

Ազգային կուսակցությունները, գիտակցելով, որ կոտորածները վաղ թե ուշ իրագործվելու են նաև Վան-Վասպուրականում, նախապես պատրաստվեցին ինքնապաշտպանության, ներմուծելով զենք ու զինամթերք և ստեղծելով մարտական խմբեր: Այդ ինքնապաշտպանությունը, որին գործուն մասնակցություն ունեցան արմենականները, հնչակյանները և դաշնակցականները գլխավորեց արմենական Մկրտիչ Ավետիսյանը: Զգնաժամային պահին նա կարողացավ համախմբել քաղաքական հարցերում տարբեր տեսակետների վրա կանգնած կուսակցություններին և դուրս բերել նրանց ոսոխի դեմ:

Անհավասար կռվում հեղափոխականները թեև պարտվեցին, բայց նրանց դործը մնաց անմահ: Պատմությունը դատապարտել է ու կդատապարտի ոճրագործներին և փառաբանել է ու կփառաբանի ազատության ու անկախության համար սլաքարողներին: Ազգային քաղաքական ուժերի համախմբումը ուսանելի և րևույթ է մեր ժողովրդի պատմության մեջ: Վանի հայությունը 1915 թ. կոտորածների օրերին, օգտագործելով 1896 թ. համախմբման փորձը, փայլուն հաղթանակ տարավ ռիսերիմ թշնամու նկատմամբ:

#### САМООБОРОНА АРМЯН В ВАН-ВАСПУРАКАНЕ В 1896 ГОДУ

Доктор ист. наук А. С. АМБАРЯН

#### Р е з ю м е

В начале июня 1896 г. кровавый султан Абдул Гамид проводил политику геноцида и в Ван-Васпуракане. Армянские национальные партии—арменаканы, дашнаки и гичакисты—объединились и оказали героическое сопротивление погромщикам. Они спасли много мирных жителей, но силы были неравны. Противник истребил тысячи людей. Самооборона армян в Ван-Васпуракане—одна из славных страниц в истории освободительной борьбы армянского народа.